

Cawx Aen Caencingz Soengq Daxmeh

买来真情送母亲

□ Mungz Ningz / 蒙宁



Daxmeh geq lo, mbouj miz maz ngah. Couhcinj seizneix dwg seizdaih bienqvaq riengjret, souhgi, densi, dennauj daengj yienghyiengh cungj miz, hoeng doengh gij yiengh doiq daxmeh daeuj gangj yunghcawq mbouj daih.

Seiz daxmeh lij iq, ndawranz gungzhoj, mbouj miz ngaenz bae hawj hagdangz, dingqny i daxmeh gangj, seiz de lij iq, cij doeg baenz song haggeiz saw, couh mbouj ndaej doeg lo, ndigah, seizneix dahmeh rox gij cih saw haenx, gyonjgyoep daeuj cang mbouj rim aen loz ndeu. Ganginaeuz yawj densi cezmu, daxmeh cij rox yawj gij vnz ndaw densi daenj ya diuq ya, couh lumj vhsug naeuz "ma yawj raemx roengz" nei, gyoengqvunz ndaw densi gangj maz vah, de cix gawq vah ndeu hix mbouj rox. Yienghneix, ndawranz ngamq cawx ndaej densi ma, daxmeh angq ndaej mboengq ndeu, couh caiq hix mbouj ngah yawj densi lo.

Itdingh yaek gangj daxmeh miz maz ngah, goulau cij miz cungj ngah ndeu, cungj ngah neix itcig buenx daxmeh baenz ciuh vnz.

Youq lajmbanj Bouxcuengh raeuz, riuz ndaej caez gvangq caez nanz dwg ciengq beij eu fwen. Youq seizgonq, cengdi mbanjmbanj cungj miz canghbeij canghfwen, baez daengz gvaq ciet

roxnaeuz guh laeuj cingj hek, cungj aeu cingj canghbeij canghfwen daeuj mbanj daeuj ranz eu fwen, baez daengz baij daiz eu fwen, daengx mbanj bouxlaux, bouxcoz, lwgnyez cungj comz daengz ranz haenx bae dingq, ndawranz vnz lai vnz daih, caenxnyaunau, nauhnyied dangqmaz. Daxmeh ngah dingq beij dingq fwen goulau hix daj seizhaenx hainduj.

Hoeng, seizneix caeuj seizgonq mbouj doxdoengz lo. Seizneix youq dieg Bouxcuengh raeuz, gyaenz ciengq beij eu fwen aen conzdungj neix gaeng ciemhciemh deng gyoengq hauxseng lumz bae lo. Gyoengq bouxlaux siengj dingq saek coenz beij roxnaeuz saek coenz fwen, beij siengj gwn saek donq noh lij hoj ha. Vihneix, daxmeh ciengzseiz youq baihnaj gou gangj, danghnaeuz miz aen gihgi lumj aen densi iq yienghhaenx, youh dingq ndaej vnz ciengq youq yawjraen dozsiengq, aeu daeuj langh fwen geijlai ndei ya!

Rox daxmeh miz cungj simnyienh neix, gou itcig geiqmaenh youq ndawsim. Daxmeh soqlaiz dwg boux vnz roxsoq, doiq gyoengqlwg dou itbuen mbouj miz maz iugouz sang, ndwenngoengz gvaq ndaej bae, couh gvaqbae lo. Seizneix daxmeh cingqging youq baihnaj gou gangj daengz saeh neix, gangjmingz de boux dog youq ndawranz mbwq lai, mboujnex, daxmeh mbouj gangj okdaeuj ne.

Ngamjhab gvaq caenh ndeu, gou okcai bae ndawsingz, seiz ndaejhoengq, gou couh bae ndaw densw canghcangz gvaengz, yawjyawj dauqdaej miz mbouj miz cungj densw canjbingj lumj dahmeh siengj aeu haenx. Gvaengz ndaej baenz bueng ngoenz, doeklaeng gou dauqdaej youq aen miz DVD denjsw gvihaiz gizde ra daengz lo. Cungj densw canjbinj neix, beij aen DVD gunghfanggih lai iq, couh miz bonj saw ndeu yienghhaenx hung, mingzcoh heuhguh "Luzfang Yinggih", mbouj bengz, song bak lai maenz ngaenz. Dingq bouxgai gaisau gij goengnaengz le, gou mbouj lawq saekdi, mbon cienz couh cawx roengzdaeuj. Gou rox, gou cawx ndaej aen doxgai neix, couh lumj cawx ndaej aen simnyied daxmeh. Mbouj rox dawz dauqbae hawj daxmeh, de yaek angq baenzlawz bae.

Okcai ma daengz ndaw yienh dou, gou youh leihyungh ngoenz singhgiz bae gwnzgai gvaengz, bae daengz bouqdiemq gai miz gvanghdez, cawx geij aen gvanghdez ciengq beij eu fwen. Yienghneix, cungjsuenq an max boiq caez lo.

Ndwencieng cuengqgyaj, gou caeuj yahlwg caez baema ranzmbanj, dou daiq miz aen Luzfang Yinggih caeuj gvanghdez ganj dauqbae. Daengz ranz le, gou gangj daxmeh: "Daxmeh, bineix mbouj cawx buh moq haiz moq soengq mwngz lo, hoeng, gou soengq aen caencingz ndeu hawj mwngz, baujcinj beij soengq buh moq haiz moq hawj mwngz engq ndei, mwngz cai dwg maz?"

Daxmeh dingqny gou gangj le, han naeuz: "Miz maz dijbaui lai, gou cai mbouj okdaeuj bw!"

Gou naeuz: "Mwngz itdingh cai ndaej okdaeuj, mwngz siengjsiengj, mwngz cei siengj aeu maz?"

Daxmeh loq ngeixngeix, doeklaeng gangj naeuz: "Nanzdauh……Nanzdauh……Mwngz cawx ndaej……"

Gou han naeuz: "Dwg ha, gou caen bang mwngz cawx ndaej aen doxgai mwngz gaxgonq naeuz de lo, coh de heuhguh Luzfang Yinggih, caemhcai cawx ndaej geij aen gvanghdez ciengq beij eu fwen dem ne."

Gangj sat, gou daj ndawdaeh mbon ok aen Luzfang Yinggih caeuj gvanghdez soengq hawj daxmeh. Daxmeh yaengx song fwngz daeuj coux, ndawbak nam gawq vah: "Lwg ha, mwngz caen miz sim ya, siengj mbouj daengz, gou gangj coenz vah mbouj miz sim ndeu, mwngz dauq geiq youq ndawsim baenznanz, caemhcai caen bae ra cawx dauq hawj gou!"

Gou han naeuz: "Meh ya meh, mwngz ciengx gou baenzneix hung, mwngz miz aen simnyied neix, bang mwngz saedyienh de, neix dwg wnggai, daj seizneix hwnj, mwngz youq ranz couh aeu neix daeuj gajmbwq ba!"

Haemhde, gwn haeux sat le, gou son daxmeh baenzlawz yungh Luzfang Yinggih, ndaw Luzfang Yinggih yienh ok song doiq vnz dox eu fwen, cienz daeuj gij sing eu fwen rwenzrubrub seiz, gou yawjraen gwnz naj daxmeh riunymnyum.

70. Cam:

Duz maz nyaenx doeg sim,
Daiq cim dwk caekhaex?
Duz maz nyaenx rox ngeix,
Mbon faex daeuj caux diengz?

Hoiz:

Duzdoq saed doeg sim,
Daiq cim dwk caekhaex.
Duzbiux lai rox ngeix,
Mbon faex daeuj caux diengz.

71. Cam:

Cien fanh aen mboenj saeq,
Caez dwg cang lwgraz,
Go lawz rag sajnya,
Ndi raen daz daengz namh.

Hoiz:

Maknim ndaw miz ceh,
Naed geq lumj lwgraz,
Gosiengz rag sajnya,
Ndi raen daz daengz namh.

Vah Duenz

谜语

□ Soucomz Cingjleix Veiz Daz

72. Cam:

Go lawz ndi raen va,
Aen baenzcaz gwnz ngeiq?
Go maz va hoengzmaeq,
Itseiq ndi ok aen?

Hoiz:

Goengz ndi raen va,

Aen baenzcaz gwnz ngeiq.
Mauxdan va hoengzmaeq,
Ndei naeq ndi miz aen.

73. Cam:

Go neix go gijmaz,
Hai va cienz dauqdingq,
Go de hwnj seiq limq,
Va dauqdingq hausa.

Hoiz:

Ndawreih ndaem lwgraz,
Cienz hai va dauqdingq,
Makfiengz hwnj seiq limq,
Va dauqdingq hausa.

(10)

